



Broj: 07-11-1257/20
Vogošća, 03.09.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 03.09.2020. godine donio je

ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA IZGRADNJI I POPRAVKI
NASTREŠNICA NA AUTOBUSKIM STAJALIŠTIMA NA PODRUČJU OPĆINE VOGOŠĆA

Član 1.

Ponuda ponuđača "Vizija" d.o.o. Visoko, ulica Muhašinovići bb Visoko, odabrana je za izvođenje radova na izgradnji i popravci nastrešnica na autobuskim stajalištima na području općine Vogošća, kao jedina formalno-pravno prihvatljiva ponuda, sa ponuđenom ukupnom cijenom u iznosu od 16.810,20 KM bez uračunatog PDV-a i sa ponuđenim popustom, odnosno 19.667,93 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 05.08.2020. godine donio Odluku o pokretanju Otvorenog postupka nabavke radova na izgradnji i popravci nastrešnica na autobuskim stajalištima na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 11.08.2020. godine pod brojem: 1353-1-3-138-3-120/20. Sažetak Obavještenja o nabavci objavljen je u "Službenom glasniku BiH" broj: 50/20 od 14.08.2020. godine.

Tendersku dokumentaciju sa Portala javnih nabavki BiH je preuzelo 9 (devet) ponuđača. Krajnji rok za dostavu ponuda bio je 27.08.2020. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 27.08.2020. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1257/20 iz augusta 2020. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	Obrt "Meta-B" Zavidovići	16.080,00	/	/	18.813,60
2	"Babel" d.o.o. Sarajevo	18.010,00	/	/	21.071,70
3	"Vizija" d.o.o. Visoko	17.020,00	1%	16.849,80	19.714,26

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača Obrt "Meta-B" Zavidovići ne ispunjava formalno-pravne uslove tražene Tenderskom dokumentacijom i to:
- Tačkom 7.4.1. pod b) TD, a u skladu sa članom 51. Zakona od ponuđača su zahtjevane obrazovne i profesionalne kvalifikacije lica koja su angažovana na izvođenju konkretnih radova, i to između ostalih da ponuđači imaju na raspolaganju i 1 (jedno) lice, SSS ili VŠS građevinske struke-III ili V stepen, smjer tesar ili zidar (KV ili VKV tesar ili zidar). Tačkom 7.4.2. pod b) TD je propisano da su ponuđači dužni u ponudi dostaviti sljedeće pismene dokaze, i to između ostalog za 1 (jedno) lice, SSS ili VŠS građevinske struke-III ili V stepen, smjer tesar ili zidar (KV ili VKV tesar ili zidar) potrebno je bilo dostaviti Diplomu/Svjedočanstvo o završenoj traženoj stručnoj spremi i dokaz o radnom angažmanu, uz Napomenu III kojom je propisano da Dokazi o radnom angažmanu za sve tražene osobe mogu biti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 pod b) TD.

Ponuđač Obrt "Meta-B" Zavidovići je u svojoj Ponudi (strana 47-49. Ponude) dostavio Diplomom o završenoj srednjoj stručnoj spremi za Behudina Krajinića, KV bravara. Ponuđač Obrt "Meta-B" Zavidovići je također u svojoj Ponudi (strana 45-46. Ponude) dostavio Ugovor o radu broj: 4/2020 od 03.02.2020. godine, zaključen sa Behudinom Krajinićem-KV bravarom.

Uvidom u dostavljene dokaze ponuđača, Komisija za javne nabavke cijeni da je ponuđač Obrt "Meta-B" Zavidovići propustio da dostavi dokaz o radnom angažmanu za Behudina Krajinića, KV bravara, koji je jasno propisan tačkom 7.4.2. pod b) Napomena II TD (Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji).

Na taj način, ponuđač je postupio suprotno jasno postavljenom zahtjevu ugovornog organa propisanim odredbama tačke 7.4.2. pod b) TD-Napomena III.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

- II. Ponuda ponuđača "Babel" d.o.o. Sarajevo ne ispunjava formalno-pravne uslove tražene Tenderskom dokumentacijom i to:
- Ponuđač "Babel" d.o.o. Sarajevo je u svojoj Ponudi (strana 3. Ponude) dostavio Ugovor o poslovno tehničkoj saradnji zaključen između ugovornih strana "Babel" d.o.o. Sarajevo i "Mibral" d.o.o. Sarajevo od 26.08.2020. godine.

Komisija za javne nabavke dostavljeni Ugovor o poslovno tehničkoj saradnji između firmi "Babel" d.o.o. Sarajevo i "Mibral" d.o.o. Sarajevo smatra pravno neurednim iz razloga što svi članovi predmetog Ugovora imaju elemente Konzorcionalnog ugovora, dok se iz samog naslova Ugovora vidi da se radi o Ugovoru o poslovno-tehničkoj saradnji. Komisija za javne nabavke ne može predmetni ugovor prihvatiti kao pravno ispravan, naročito ako se uzmu u obzir odredbe tačke 7.5.1. TD kojom je propisano na koji način će ugovorni organ vršiti ocjenu ispunjenosti kvalifikacionih uslova od strane grupe ponuđača.

Prethodno citiranom tačkom je propisano da:

- grupa ponuđača kao cjelina mora ispuniti uslove koji su navedeni u tački 7.4.1 tenderske dokumentacije, što znači da grupa ponuđača može kumulativno ispunjavati postavljene uslove i dostaviti dokumentaciju kojom dokazuju ispunjavanje postavljenih uslova;
- uslove koji su navedeni pod tačkom 7.1.1 i 7.2.1 moraju ispunjavati svaki član grupe ponuđača pojedinačno, te svaki od članova grupe ponuđača mora dostaviti dokumentaciju kojom dokazuju ispunjavanje postavljenih uslova, na način na koji su predviđeni da se dostavljaju dokazi.

Dakle, ponuđač je dostavio Ugovor o poslovno tehničkoj saradnji od 26.08.2020. godine sa svim elementima pravnog akta propisanog tačkom 7.5.2. TD, a koji reguliše udruživanje ponuđača u grupu ponuđača radi učešća u postupku javne nabavke.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Vizija" d.o.o. Visoko ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela ponude ponuđača "Vizija" d.o.o. Visoko, te je izvršena računska provjera dostavljene ponude, nakon čega je utvrđeno da postoji računska grešaka u Ponudi ponuđača "Vizija" d.o.o. Visoko.

Komisija za javne nabavke postupajući u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14) je izvršila ispravku računске greške, te je aktom broj: 07-11-1257/20 od 02.09.2020. godine dostavila na davanje saglasnosti ponuđaču "Vizija" d.o.o. Visoko.

Ponuđač "Vizija" d.o.o. Visoko je svojim aktom broj: 01-434-2/20 od 02.09.2020. godine dao saglasnost na ispravku računске greške, tako da umjesto ukupne ponuđene cijene u iznosu od 16.849,80 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 16.810,20 KM bez uračunatog PDV-a i sa uračunatim popustom.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Vizija" d.o.o. Visoko, za izvođenje radova na izgradnji i popravci nastrešnica na autobuskim stajalištima na području općine Vogošća, kao jedine formalno-pravno ispravne ponude, sa ponuđenom ukupnom cijenom nabavke u iznosu od 16.810,20 KM bez uračunatog PDV-a i sa ponuđenim popustom, odnosno 19.667,93 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. Obrt "Meta-B" Zavidovići
2. "Babel" d.o.o. Sarajevo
3. "Vizija" d.o.o. Visoko
4. Nadležnoj Službi
5. U dosije
6. a/a

metabuljubasic@bih.net.ba

033/714-481

032/740-103



OPĆINSKI NAČELNIK

Edin Smajić
Edin Smajić